

臨川先生文集

十二



臨川先生文集卷第五十六

表

百寮賀復熙河路表

賜王帶謝表

詔進所著文字謝表

進熙寧編勅表

賜元豐勅令格式表

賜弟安國及第謝表

除弟安國館職謝表

除粵中允崇政殿說書謝表

除粵正言待制謝表

進字說表

進洪範表

進修南郊勅式表

除知制誥謝表

知制誥知江寧府謝上表

除翰林學士謝表

賜衣帶等謝表

勅設謝表

百寮賀復熙河路表

臣某等言：觀修復熙河洮岷疊宕等州幅員二千餘里，斬獲不順蕃部一萬九千餘人，招撫大小蕃族三十餘萬，各降附者奉昌張天兵，開斥王土，旌旃所指，燕及氏羌，樓櫓相望。彌河隴中，竊以三年鬼方。

之伐高宗所以濟時六月獯狁之征宣王所以復古  
政由人舉道與世升伏惟 皇帝陛下溫恭而文睿  
知以武講周唐之百度拔方虎於一言我陵我阿既  
飭鷹揚之旅實墉實壑遂平烏窺之戎用夏變夷以  
今準古是基新命厥邁往圖臣等均被明恩具膺榮  
祿接千歲之統適遭會於斯時上萬年之觴敢愆忘  
於故事臣無任

### 賜玉帶謝表

臣某言伏蒙 聖恩以收復熙河洮岷疊宕等州特  
加褒諭親解玉帶賜臣者尸臣列侍方臨極弊之朝  
暫御占傳獨拜非常之賜寵綏御至懇避弗俞焜耀  
有加凌兢無措 中謝竊以洮河之業兆自聖謀方虎  
之材進非師錫片言投匭遂察見其有孚衆訛盈庭  
豫照知其無眚以至緩兵籌食蒐卒第功能畢協於  
始謀實仰歸於獨斷如臣最爾何力有焉伏惟  
皇帝陛下善貸且成勞謙不伐弛曠瘵之大責錄將  
明之小忠揚于廣除委以珍御悉彼英瑤之質煥乎  
華袞之言臨授用光顧榮踰於古昔退藏惟謹知燕  
及於雲來施更厚於解衣報敢忘於結草臣無任

### 詔進所著文字謝表

雲漢之光俯加賁冒管蒯之賤仰誤詢求 中謝臣聞  
百王之道雖殊其要不過於稽古六藝之文蓋缺所  
傳猶足以範民唯其測之而彌深故或習矣而不察  
紹明精義允屬昌時伏惟 皇帝陛下有舜之文明

有湯之勇智以身為度動皆應於乾行肆筆成書言必稽於聖作欲推闡先王之大道以新美天下之英才宜得醇儒使陪休運臣初非秀穎衆謂迂愚徒以弱齡粗知強學服膺前載但傳糟粕之餘追首大方豈逮室家之好過叨睿旨突使緝舊聞永惟少作可弃之浮辭豈能上副旁搜之至意伏望 皇帝陛下矜其間道之晚假以歷時之淹使更討論粗如成就然後上塵於聰覽且復取決於聖裁庶收寸長稍副時用臣無任

進熙寧編勅表

臣某等言竊以觀天下之至動而御其時輔萬物之自然而節其性匿而不可不為者事麤而不可不陳者法嚴惟無弊乃以不膠故造象於正月之始和改禮以五載之巡狩一代之典成於緝熙百世可知在所加損方裁成輔相之休運宜修飾潤色之難能顧匪其人與於此選中謝蓋聞道有升降政有弛張緩急詳略度宜而已使民不倦唯聖為能伏惟 皇帝陛下天德地業體堯蹈禹永念憲宗之舊或失防範之中選建有官付之論定具懸淺學莫副詳延屢彌歲年僅就篇帙刪除煩複蒐補闕遺於趣時因民則粗抹抗敵之實以方古垂後則或俟新美之才冒昧大威姑塞明詔

賜元豐勅令格式表

臣某言伏蒙 聖慈特賜臣元豐勅令格式一部計

四十策者新厥品章著之方冊雖孤眷寄尚冒分頒  
中謝竊以后辟之所訓裁臣工之所承守歷觀既往  
或仍踏駁之餘緒正欲遺實往何緝熙之久恭惟

皇帝陛下操天縱之智御物昌之時翊法於群幾之  
先收功於異論之後慮無愆素舉必要終然趨變以  
制宜或非初令則取新而垂裕宜有成書神機俯授  
於有官聖制遂據於無極部居彪列科指分雲漢  
之回甚昭日月之照方久日進陪國論退即里居在  
旨討論嘗負曠疎之責於今尊閣更知被受之榮臣  
無任

賜弟安國及第不謝表

臣某言伏蒙 聖恩召試臣弟安國賜進士及第注  
初等職官者雋乂之求外覃草野龍光之施首遠門  
庭中謝竊以躬國論聽斷之煩而察知孤遠之行略  
門資貢舉之法而採取以布淹之才山林之所誦說而  
難遭閭巷之所驚嗟而罕見伏惟 皇帝陛下協德  
穹昊比明叢皇博臨四旁洞照萬物如臣同產為世  
畸人少遭閔凶自奮以善雖強學力行粗有時名而  
少偶寡徒幾絕榮望以期聖聽俯及幽潛遂使窮途  
坐階華寵爰以詔書以試藝賜之科第而命官祿不  
遠親既永乖於養志以非為己當共誓於捐軀臣無  
任

除弟安國職謝表

臣某言伏蒙 聖恩  
臣弟安國充崇文院校書者

書林置職方儲高位之材詔拔推恩遂假私門之寵在於疵賤實以兢慙中謝伏念臣初起孤生非謀無中參近侍特荷先朝屬憂患之相仍分湮淪而自小敢圖收召俯暨幽潛服在臣鄰驟冠論思之列恩口子弟具膺慶賞之延有味冒於殊私或超踰於常法惟數竒之同產嘗久困於稠人第冊西垣比前叨於審獎校文東觀更曲被於明揚此蓋伏遇 皇帝陛下與善無方使能以類欲阜成於大治務博取於衆材遂忘形迹之嫌以溥龍光之施衰宗既亢唯知上報之難小己易盈彌懼先顛之疾臣無任

除彗中允崇政殿說書謝表

臣某言伏蒙 聖恩授臣男旁守太子中允充崇政殿說書尋具劄子辭免蒙降詔書不允者恩驟加於私室多所超踰事或累於公朝誠難昧冒仰煩睿訓曲喻至懷永惟眷獎之殊實重兢慙之至中謝伏念臣首叨召節得侍辭林隨被賫書使陪經幄稍更歲月莫補涓埃竊觀上知之日躋內訟淺聞而知因沉如賤息厥有童心尚迷鑽仰之方豈稱招延之禮恕已量主非敢以私而自嫌爲官擇人顧雖成命而宜改輒布可辭之義上干難犯之威伏蒙 皇帝陛下屈體優容垂精寵答謂大人照臨之道廣當養以蒙意小夫誦說之智專遠忘其賤褒稱備厚訓竊加嚴揣實未安寄顏有慮重念自古君臣之相與未有如臣父子之所遭蓋當用儒之時尤難講藝之職典謨

方御寶參備於討論詰言未終已繼叨於獎擢獲世  
官於閭巷嗣家學於朝廷自非忘軀何以報國知人  
而官以哲慨已誤於明揚委質而教之忠誓永有於  
素守臣無任

除零正言待制謝表

臣某言伏奉 聖恩除臣零正言天章閣待制  
兼侍講特降中使宣諭令便受告勅不須辭免者乎  
號明恩實由中出美官要職弗以次加知榮耀之及  
私顧僭差而累國雲天在望冰炭交懷中謝臣出於  
羈窮好是拙直道常違俗宜芻狗之致妖才不逮人  
何藿蠋之能化 皇帝陛下收之末路付以繁機距  
滔天之衆讒責經世之來效施及賤息度越稠人延  
登朝行使嗣講業方仰陪於膝席俄中廢於軒墻雖  
進趨之禮久妨而問勞之恩狎至莫知報稱但負兢  
慙豈意眷憐更加超擢待制之為職以陪侍禁嚴正  
言之為官以諫救遺失承金華之舊學親玉色於燕  
朝併叨殊私甚駭羣聽此蓋伏遇 皇帝陛下攬取  
同智無小大之遺搜揚衆材無久近之間苟或不肖  
槩嘗有聞必垂甄收以示勸獎四方之訓予我無競  
維人多士之生斯時不顯亦世永推遭值孰與等夷  
君臣以事道相求是惟希世父子以傳經見用鮮或  
同時雖愧臯陶濟美之材敢忘孤空教忠之義臣無  
任

進字說表



臣某言竊以書用於世久矣先王立學以教之設官以達之置使以喻之禁誅亂名豈若然哉凡以同道德之歸一名法之守而已道衰以隱官失學廢循而發之實在聖時豈臣愚懂敢逮斯事中謝蓋聞物生而有情情發而為聲聲以類合皆足相知人聲為言述以為字字雖人之所制本實出於自然鳳鳥有文河圖有畫非人為也人則效此故上下內外初終前後中偏左右自然之位也衡象尚直耦重交析反缺倒仄自然之形也發斂呼吸抑揚合散虛實清濁自然之聲也可視而知可聽而思自然之義也以義自然故僊聖所宅雖殊方域言音乖離點畫不同譯而通之其義一也道有升降文物隨之時變事異書名或改原出要歸亦無二焉乃若知之所不能與思之所不能至則雖非即此而可證亦非舍此而能學蓋唯天下之至神為能究此伏惟 皇帝陛下體元用妙該極象數稽古勅法紹天覺民乃惟茲學墮鉅弗嗣因任衆智微明顯隱蓋將以初合乎 神情者布之海內衆妙所寄窮之實難而臣頃御 燕闈親承訓教抱病負憂久無所成雖嘗有獻大懼冒澆退復自力用忘疾憊咨諏討論博盡所疑冀或消塵有助深崇謹勒成字說二十四卷隨表上進以聞臣某誠惶誠懼頓首頓首謹言

進洪範表

臣某言臣聞天下之物小大有彛後先有倫叙者天

之道叙之者人之道天命聖人以叙之而聖人必考  
古成已然後以所嘗學措之事業為天下利苟非其  
時道不虛行中謝伏惟 皇帝陛下德義之高術智  
之明足以黜天下之鬼瑣而興其豪傑以圖堯禹太  
平之治而朝廷未化海內未服綱紀憲令尚或紛如  
意者殆當考箕子之所述以深發獨智趣時應物故  
也臣嘗以蕪廢腐餘之學得備論思勸講之官擢與  
大政又彌寒暑勲績不效俛仰甚慚謹取舊所著洪  
範傳刪潤繕寫輒以草芥之微求裕天地臣無任

進修南郊勅式表

郊丘事重筆削才難猥以微能叨承遴選中謝蓋聞  
孝以配天為大聖以饗帝為能越我百年之休明因  
時五代之流弊前期戒具人輒為之騷然臨祭視成  
事或幾乎率爾蓋已行之品式曾莫紀於官司故因  
家講燎種之上儀而臣等承撰次之明詔追茲彌歲  
僅乃終篇猶因用於故常特刪除其紛冗恭惟

皇帝陛下體聖神之質志文武之功嘉與俊髦靈承  
粵異物方宅茂以薦信而無慙人且昭明知因循之  
為取固將制禮作樂以復周唐之舊豈終循謫習傳  
而守秦漢之餘則前書也譬大輅之椎輪與明堂之  
管窺推本知變實有考於將來隨時施宜亦不為乎  
無補臣無任

除知制誥謝表

臣某言今月初一日伏蒙 聖恩賜臣誥勅除臣知

制誥者高華之選欲報常艱固陋之旨乃以榮為懼中  
竊以自昔招智能之士因使為侍從之官豈特賴其  
虛名謂能華國蓋將收其實用相與致君矧號令文  
章之為難而討論潤色之所寄苟失職不稱則為時  
起羞伏惟 皇帝陛下躬上聖之姿撫久安之運越  
時有救弊之急守器有持盈之難當得俊良使陪遺  
忘則典司明命出入禁門一有瘵官尤為累上臣竊  
單賤士樸鄙常人仕初有志於養親學遂不專於為  
己比更煩使稍竊謬恩內懷尸祿之慙仰負食功之  
意又蒙採擢以致超踰蓋君之視臣不使同犬馬之  
賤則下之報上亦欲致岡陵之崇況臣少習藝文粗  
知名教遭逢一旦度越眾人唯當盡節於明時豈敢  
尚懷於私計臣無任

知制誥知江寧府謝上表

稽違詔令經涉歲時 先帝登遐既不獲奔馳道路  
陛下即位又未嘗瞻望闕廷所憂後至之刑誅敢冀  
或加於官使雖知黽勉尚懼顛隳中謝蓋聞因任以  
責群材原省以通衆志厥或抱能而可用則雖負疾  
而見容如臣者遠侍先朝叨官外制惓惓許國雖有  
愚忠沒沒隨人但尸榮祿銜哀去位嬰疾彌年望絕  
寵光分投冗散伏遇 皇帝陛下紹膺尊極俯燭幽  
微延之以三節之巽付之以十城之重比緣禋祀特  
有褒封申命曲加因郵併賜唯是土風之美素無行  
獄之煩久寄託於丘墳祖諱知其閭里念雖闕閭始

窮廢於承流以比造朝或未妨於養疾矧恩勤之已  
迫且遜避之不容敢不少嘗體力之所任祇奉詔條  
而為治冀逃大戾仰稱殊私臣無任

除翰林學士謝表

臣聞人臣之事主患在不知學術而居寵有味冒之  
心人主之畜臣患在不察名實而聽言無惻怛之意  
此有天下國家者所以難於任使而有道德者亦所  
以難於進取也學士職親地要而以討論諷譏為官  
非夫遠足以知先王近足以見當世忠厚篤實廉恥  
之操足以咨諏而不疑草創潤色文章之才足以付  
託而無負則在此位為無以稱如臣不肖涉道未優  
初無學業過人之才徒有區區自守之善以至將順  
寔明之大體則或踈闊淺陋而不知加以憂傷疾病  
久棄重閭辭命之習蕪廢積年黽勉一州已為忝冒  
禁林之選豈所堪任伏惟 皇帝陛下躬聖德承聖  
緒於群臣賢不肯已知考慎而於言也又能虛己以  
聽之故聰明睿知神武之實已見於行事日月未久  
而天下翹首企踵以望唐虞成周之太平臣於此時  
實被收召所以許國義當如何敢不磨礪淬濯已衰  
之心編繹溫尋久廢之學上以備顧問之所及下以  
供職司之所守臣無任

賜衣帶等謝表

出大庭之顯服束以精鏐引內廐之名駒傳之鑽采  
隆恩所逮朽質知榮中謝竊念臣弱力淺聞久憂積

亦中與從官之選外分守將之權僅免譴何更蒙收  
召論思潤色曾莫効於微然衣被服乘乃前叨於具  
數此蓋伏遇 皇帝陛下聽於慶賞詳在招延因示  
眷懷使知奮勵誓竭愚忠之報冀無虛授之嫌臣無  
任

勅設謝表

職與論思恩加彙飫禮雖有舊寵實難當伏念  
臣本之才稱中緣疾廢適從孤遠獲侍清光已沂禁  
林之廬重叨太官之賜蓋飲食有文王之雅實始憂  
勤顧來歸無吉甫之勞徒多燕喜敢忘自竭粗穡所  
蒙臣無任

表

辭免叅知政事表

除叅知政事謝表

辭免平章事監修國史表二道

除平章事監修國史謝表

遷入東府賜 御筵謝表

觀文殿學士知江寧府謝上表

辭免除平章事昭文館大學士表二道

除平章事昭文館大學士謝表

辭免左僕射表二道

除左僕射謝表

辭免使相判江寧府表二道

除使相觀使乞免使相表

進聖節功德疏右語四

辭免叅知政事表

臣某言伏奉制命特授臣右諫議大夫叅知政事餘  
如故者才薄望輕恩隆責重敢緣聰聽冒進愧辭  
竊以建用宗工與圖大政以人賢否為世盛衰矧休  
運之有開須偉材而為輔豈容虛受以誤明揚如臣  
者承學未優知方尤晚 先朝備位每懷竊食之慙  
故里服喪重困采薪之疾 皇帝陛下紹膺皇統俯  
記孤忠付之方面之權還之禁林之地固已人言之  
可畏豈云國論之敢知忽 似寵靈滋懷媿恐伏望

皇帝陛下考慎所與燭知不能比許還謬恩以允公議庶少安於鄙分無甚累於聖時臣無任

除叅知政事謝表

承弼之任賢智所難顧惟缺然何以堪此仰膺成命弗獲固辭中謝竊以古先哲王考慎厥輔皆有一德用成衆功伏惟 皇帝陛下含獨見之明踐久安之運庸終諒闇將大施為宜得偉人與圖庶政如臣者徒以承學粗知義方本無它長可備官使退安私室自絕榮塗既負采薪之憂因逃竊位之責大明繼燭正路宏開付以蕃宣還之侍從清閒之宴或賜開延淺陋所聞每蒙知獎以為奉令承教庶幾無尤至於當軸處中良非所稱寵光曲被震媿交懷此蓋伏遇 皇帝陛下德懋旁求志存遠舉隆寬盡下故忠良有以輸心公聽並觀故讒慝不能肆志矧睿謀之天縱方聖治之日躋思稱所蒙敢忘自竭遠猷經國雖或媿於前修直道事君期不墮於素守臣無任

辭免平章事監修國史表

材薄位高恩隆責重輒敷悃款仰瀆睿明中謝臣聞大有為之君必考慎厥相趣舍施設相與如一乃能協濟功治永綏黎元伏惟唐虞三代之迹滅熄久矣天錫 皇帝陛下以上聖之才修身齊家外正天下典謨所紀風雅所歌以今揆古未有勲德宜求碩輔朝夕左右率勵衆志輔成太平如臣區區孤陋淺拙知學以為已而昧於趣時聞以道事君而謬於合衆

臣聞大政已積疵瑕伏望 皇帝陛下量能賦任使  
無譴尤追還誤恩以協公議臣無任

二

臣某言臣近上表辭免恩命伏蒙 聖慈特降批荅  
不允者天地之施厚矣不貲螻蟻之情微而未達重  
煩獎訓彌集震兢中謝臣聞論德序官明主所以御  
世度能就位忠臣所以事君臣偶以薄材過私榮祿  
雖以捐軀而自誓顧於諉上而多慙竊觀聖制之所  
以褒揚終非朽質之所能副稱矧叨任遇稍歷歲時  
必欲詭責其後勲謂宜考觀於已事今內或怵苛表  
之俗無喻德宣譽之忠外或扇苟簡之風有犯今陵  
政之悖百姓以安乎無事之時而未免流離饑寒四  
夷以衰弱僅存之勢而猶能跋扈飛揚 皇帝陛下  
以聖人之高材有天下之利勢憂勤已積功化未昭  
此亦由臣陳力就列以來不能助國立經陳紀之故  
方謀自弛以謝素餐豈意誤恩更加崇秩誠憂官謗  
能上累於明時所望天慈遂救還於新命庶以通賢  
者之路且又協衆人之言臣無任

除平章事監修國史謝表

臣某言伏奉 恩命特授金紫光祿大夫行尚書禮  
部侍郎同中書門下平章事監修國史上柱國進封  
開國公加食邑一千戶實封四百戶仍賜推忠協謀  
佐理功臣尋具表陳免批荅不允仍斷來章者揚  
于大廷寵以高位歸之以戴之重諉之宰制之平聖



心方慎於旁求小已知難於上稱

臣聞人君代

天而理物人臣資父以事君然而君臣之大義有方  
非若父子之至恩無間須倡而後和則誠意每患於  
難通不入而後量則忠力或嫌於自獻唯成湯之聽  
伊尹與傳說之遇高宗皆以疏遠而相求何其親厚  
之獨至蓋所趣非由於二道故所為若出於一身夫  
宣于越夷貉之異心是謂元首股肱之同體臣既  
以此獲展事君之義兩君亦以此得成理切之功苟  
非其人孰與於此臣受材單寡逢運休明初涉獵於  
藝文稍拔緣於祿仕曩塵近侍積媿空餐隔於  
庭闈分長依於丘壠俄值纂承之慶繼叨收召之榮  
責以論經尚少知於訓詁使之與政曾莫助於猷為  
矧以拙直而見知遂為姦回之所忌伏遇 皇帝陛  
下納之以天地之量照之以日月之明數加獎勵之  
恩每辨讒誣之巧重遭卜相申教備官終遜避之無  
繇更兢慙於非據伏惟 皇帝陛下樂古訓之獲而  
忘其勢惡邪辭之害而斷以心勿貳於任賢務本以  
除惡使萬邦有共惟帝臣之志萬姓有一哉王心之  
言則進無求名之私退有補過之善臣之願也天實  
臨之臣無任

遷入東府賜 御筵謝表

伏奉差中使傳宣今月七日辰時三刻遷入新府并  
借宮軍就賜御筵者恩厚不貲誠優賢之務傾頑冥  
無似欲報國而知難中謝臣等過以凡材並膺殊選

以塵賢路上孤聖時伏惟 皇帝陛下謀德在容求  
仁以恕謂大臣方宣勞於王室則上主當加恤其私  
家發使禁闈之中視圖魏闕之下取材置臬一皆斷  
於睿謀成事告功初不煩於宰旅重紆衡蓋周視庭  
除申以中人喻之良月使及日辰之吉即于堂寢之  
安輟車府之傍牽載其帑重移饗官之亭割侑以鼓  
歌歡更逮於邇臣寵已加於小己陰陽或謬未知變  
理之方風雨其除徒賴悻悻之賜臣無任

觀文殿學士知江寧府謝上表

臣某言伏奉 制命授臣觀文殿學士吏部尚書知  
江寧軍府事臣已於六月十五日到任訖久妨賢路  
上負聖時苟逃放殛之刑更濫褒揚之典逸其犬馬  
將盡之力寵以丘墓所寄之邦仰荷恩私皆踰分願  
中謝臣操行不足以悅衆學術不足以趣時獨知義  
命之安敢望功名之會值遭興運摠領繁機惟睿廣  
之日躋顧卑凡而坐困秋水方至因知海若之難窮  
大明既升豈宜燭火之弗熄加以精力耗於事為之  
衆罪戾積於歲月之多雖恃合垢之寬終懷覆餗之  
懼伏蒙 陛下志存善貸為在曲成記其事國之微  
誠閱其籲天之至懇撓黜幽之常法示從欲之至仁  
經體贊元廢任莫追於既往承流宣化收功尚冀於  
方來臣無任

辭免除平章事昭文館大學士表

臣某言為君所艱尤慎厥與命相不善將壞于成矧

當責實之時敢替知難之義中謝臣知不足以及遠  
學不足以窮深比誤國恩嘗尸宰事初無薄効稱萬  
一之褒揚止有多言煩再三之辨釋終逃譴負實賴  
保全恭惟 皇帝陛下若古以堯之欽明御今以禹  
之勤儉矜修積美山無一簣之虧因任致隆臺有九  
層之累小大祇若遐邇允懷奮而不蓄雖或許其繼  
事灌以既雨豈不昧於知時况惟疲曳之餘過重休  
明之累且用人而過矣固不免於敗材苟改命而當  
焉亦何嫌於反汗敢期 聖哲俯亮愚忠

二

臣某言臣近上表辭免恩命伏蒙 聖慈特降批荅  
不允者愚誠盡布所冀矜從聖志未移申加獎訓輒  
守可辭之義更干難犯之威中謝臣聞冢宰之於周  
則曰統百官而均四海丞相之於漢亦以附百姓而  
撫四夷位尊則自古以然材薄則其何能稱臣之所  
守未有以過人臣之所知又不足盡物姑使承流宣  
化託備蕃維或令補闕拾遺追參侍從尚能罄竭小  
補緒餘若乃秉操鈞衡承輔樞極仰陪休運俯稱具  
瞻事已試而可知力弗能而當止苟不量鼎寶之所  
任必且致棟橈於斯時伏望 皇帝陛下隨其器能  
付以職事圖惟大任改命上材則焚爝末光不獲干  
時之各穰楹近用亦御名厦之功

除平章事昭文館大學士謝表

臣某言伏奉 制命特授臣同中書門下平章事昭

文館大學士 譯經潤文使加食邑一千戶食實封  
四百戶仍改賜推忠協謀同德佐理功臣尋具表陳  
免蒙降批荅不允仍斷來章者承流宣化方虞失職  
之誅經體贊元更慎選賢之舉中謝臣竊惟人物之  
會通常寡實以君臣之遇合至難自匪同聲氣之求  
孰能信功名之享伏惟 皇帝陛下天縱大聖人與  
成能乘百年久安之機飭千歲積壞之蠱士誠服矣  
而持祿養交之習未殄民允懷矣而樂事勸功之志  
未純近或長阨而仁義之澤未流遠或虛僑而道德  
之威未立宜選於衆舉格于皇天之材使暨乃僚續  
迪我高后之事冀勝所任以濟斯時而臣蚤見知於  
隱約之中久獨立於傾搖之上勲庸弗效恩禮更加  
託備外藩俯鄰暮歲遂叨詔獎還冠宰司自視羈單  
所懷寒淺方古耕築則有其陋為世聘求則無其賢  
然以投老之軀而遭難值之運苟貪歲月趣就消埃  
且上之施既光則下之報宜厚與之勳力仰承睿知  
之臨罔不同心俯賴忠良之協誓殫疏拙圖稱休明  
臣無任

辭左僕射表

臣某言近累具劄子辭免恩命伏蒙 聖慈特賜詔  
書不允者賞典越踰訓辭調疊渙汗所被是為至榮  
朽材難勝更以多懼輒輸危悃敢冒威尊中謝竊以  
左相位崇東臺地要雖實負而久曠蓋授任之常難  
臣晚值 聖時久妨賢路奉 務成命文雖力困於負山

敷釋微言蠶智窮於測海方肆何之為畏豈寵獎之  
敢圖忽此兼叨復無前比深惟濇薄仰累休明伏望  
聖慈俯昭恩款斷從公論追履誤恩豈惟私義之獲  
安實亦物情之歸允臣無任

二

臣某言近具表辭免恩命伏蒙 聖慈特降批荅不  
允者恩言狎至鄙守難移敢冒德威更陳私義中謝  
竊以高秩厚禮以疇莫盛之勲勞綿力薄材豈稱非  
常之爵寵人之所畏物有固然臣議行見知而涉世  
多為衆毀論材受任而居官無以自昭顧惟屈首受  
書幾至殘生傷性逮承 聖問乃知北海之難窮比  
釋微言更悟南箕之無實疏榮特異揣分非宜苟叨  
昧以自安懼譴尤之隨至伏望 皇帝陛下俯矜危  
拙曲賜全安不以反汗之小嫌為能累國則是捐軀  
之大節實在報君臣無任

除左僕射謝表

臣某言伏奉 制命特授臣尚書左僕射兼門下侍  
郎同中書門下平章事昭文館大學士兼譯經潤文  
使加食邑一千戶食實封四百戶臣累具辭免伏蒙  
聖慈特降批荅不允仍斷來章者貳令中臺兼官左  
省惟時遴選蓋嘗久曠而弗除忽此叨居顧豈微勞  
之可稱陪敷厥邑敷告于廷是皆至榮難以虛辱謝  
竊以經術造士實始盛王之時偽說誣民是為衰世  
之俗蓋上無躬教立道之明祥則下有私學亂治之

姦氓然孔氏以羈臣而興未喪之文 以游士而承既沒之聖異端雖作精義尚存逮更燬燼之災遂失源流之正章句之文勝質傳注之博溺心此涵辭誠行之所由昌而妙道至言之所為隱篤生 上主純佑下民成能協乎人謀將聖出乎天縱作於心而害事放斥幾殫通於道以治官廷登既喪尚懼膠庠之黎獻未昭典籍之群疑乃集師儒具論科指繕書來上褒典俯加臣趣操弗高知識尤淺少嘗勤苦但為裘氏之吟晚更耄衰豈免輪人之議初備使令之乏即知稱愜之難敢意謏恩獨當殊獎此蓋伏遇皇帝陛下以化民成俗為事故急在誨人以尊德樂道為懷古易於縻爵因忘固陋特假龍光祇服訓辭深惟報禮雖無博學對揚稽古之鴻名庶以雅言助廣右文之美化臣無任

辭免使相判江寧府表

臣某言伏奉 制命特授檢校太傅依前尚書左僕射同中書門下平章事使持節都督洪州諸軍事充鎮南節度管内觀察使判江寧府加食邑一千戶食實封四百戶仍改賜推誠保德崇仁翊戴功臣者恩典有加事勞弗稱陳力況難於惡勉輸情終冀於矜哀中謝伏念臣晚出窮鄉首陪輿運恕心量已雖知容膝之易安營職趣時更似絕筋而稱力既及眊衰而成疾重遭憂釁以傷生姑欲補完唯當休惕若任州藩之寄仍兼將相之崇是為擇地以自營葬

復籲天之素志伏望 皇帝陛下追還渙號俯徇愚  
哀許守本官退依先壟儻憐積歲叅大議於廣朝或  
賜誤恩食舊勞於外觀尚緊眷獎非敢干祈臣無任

二

臣某言近具表辭免恩命伏蒙 聖慈批荅不允者  
寵私未慙更加褒勉之恩分義所存敢冒叨貪之恥

中謝

伏念臣江湖一介特荷聖知帷幄七年再陪國

論久居亢滿所以深懼災危積致衰疲所以懇辭機  
要若猶尸將相之厚祿且復殿方面之大邦則是於  
惡盈之時欲富而弗止以宣力之地養病而自營

聖慈雖或優容官謗何由解免伏望 皇帝陛下俯

垂念聽特賜矜從使盛世無虛授之嫌孤臣有少安

之幸臣無任

除集禧觀使乞免使相表

臣某言近具表乞以本官充使伏蒙 聖慈特降詔

書不允者愚誠屢黷方負憂兢聖聽未移更加獎勵

顧仰關於國體敢終冒於天威 中謝伏念臣頃汗近

司久虛大受晚罹疾疢自當辭祿而里居尚恃眷憐

故敢祈恩而家食將相之為重寄朝野之所具瞻若

免於事任之勞而尸此名器之寵在昔之茂勳明德

尚莫敢居如臣之綿力薄材豈宜非據伏望 皇帝

陛下俯矜危懇追寢誤恩豈惟私義之所安是固物

情之衆允臣無任

進聖節功德疏右語四

臣竊以紹皇策以降神，齡真驗歸寶坊而獻福萬  
壽惟均，矧荷春之特殊，回輸誠之獨至，伏願三儀際  
祐，十方證知，常儲有蕃之祥，永御無疆之曆，臣無任

二

臣竊以星虹獻瑞，貫於聖於嘉時，鐘呶乞靈，敢歸誠  
於妙道，伏願備應多福，大庇群生，人永恬愉之安，物  
無疵癘之苦，天枝彌茂，神卷具依，臣無任

三

臣竊以誕降聖神，適天人之嘉會，虔祈祉福，乃臣子  
之三情，伏願萬寶偕昌，三靈協慶，永御無疆之寶，歷  
丕承未艾之闕，休臣無任

四

臣伏以握符踐運，與時物以偕昌，歸德謝生在情，文  
而莫構，敢憑慈祐，申祝壽祺，伏願 皇帝陛下，筭比  
天崇崇，年地富常，卸華胥之至樂，永錫皇極於黎元  
臣無任

臨川先生文集卷之二十七



臨川先生文集卷第五十八

表

封舒國公謝表

除依前左僕射觀文殿大學士集禧觀使謝表

朱炎傳 聖旨令視府事謝表

差弟安上傳旨令授勅命不須辭免謝表

孫珪傳宣許罷節鉞謝表

封荆國公謝表

賀貴妃進位表

賀生皇子表六道

賀魏國大長公主禮成表

賀冀國大長公主出降表

賀魯國大長公主出降表

賀康復表

賀南郊禮畢肆赦表二道

賀明堂禮畢肆赦表

封舒國公謝表

臣某言伏奉制命特授開府儀同三司封舒國公者發號端門外覃慶賜疏恩列辟俯逮空飡舞手均歡捫心獨幸中謝伏念臣久孤眷遇當即遣訶曠歲籲天尚辭榮而未獲新恩賜國仍席寵以有加唯茲邦土之名乃昔宮遊之壤久陶聖化非復魯僖之所懲積習仁風乃嘗朱邑之見愛私所被朽質更榮此

蓋 皇帝陛下道冒群才彌天之所覆恩涵庶品并  
物之所包以稽事備於郊宮而惠澤均於海宇故雖  
幽屏弗以遐遺顧冒昧之不貲豈糜捐之可報臣無  
任

除依前左僕射觀文殿大學士集禧觀使

謝表

臣某言伏奉制命除授依前行尚書左僕射充觀文  
殿大學士集禧觀使者屢黷天威坐彌年所曲從危  
懇仰荷至慈中謝伏念臣學止求心行多違俗少隨  
官牒徒有志於養親晚誤聖知欲忘身而許國疲曳  
久瘵於宰事閔凶適在於私門中解繁機特上煩於  
矜惻外分憂寄復難強於支持方累鴻私更尸殊寵  
既兢慙於非據輒冒昧以終辭伏蒙 陛下示以優  
容屢垂訓獎赦其逋慢終賜矜全猶加祕殿之隆名  
俯慰窮閭之衰疾地崇祿厚尚非空食之所宜歲晚  
力愆雖欲捐軀而曷報臣無任

朱炎傳 聖旨令視府事謝表

臣某言三月二日提舉江南路太常丞朱炎傳 聖  
旨令臣便視府事者使指端臻訓詞俯逮敢圖衰疾  
尚誤眷存中謝伏念臣曲荷搜揚久孤何屬有能必  
厭未嘗擇事而辭難無力可陳乃始籲天而求佚然  
方焦思有爲之日以此懷恩未報之身苟營燕安豈  
勝懃懃伏蒙 陛下仁惟求舊義不忘遐乃因乘輅  
將命之臣更喻推轂授方之意踟履無用誠弗忍於

弃捐朽株匪材尚奚勝於器使永惟披勵徒誓糜捐  
臣無任

差弟安上傳旨令授勅命不須辭免謝表

臣某言伏蒙 聖恩差弟安上提點江南東路刑獄  
以臣衰疾就令照管仍傳 聖旨令臣便授勅命更  
不須辭免者江海衰殘雲天悠遠恩言狎至感涕交  
流 中謝 伏念臣積荷知憐初無報稱豈圖賤質上簡  
聖心數遣中人問因外使喻以眷懷之至意慰其憂  
苦之餘生惠焉既久而彌加告矣雖頑而未捨乃至  
召見同產馳賜十行之書使營私門就捐一路之寄  
訪逮纖悉矜及隱微追千載之遭逢殆無前比顧百  
身之糜殞安可仰酬唯當祇聖訓之鴻私豈敢固愚  
衷之小諒重念無傷於國體乃爲不負於天慈欲以  
里居之安而尸官廩之厚固已犯明義而累食功之  
實況復干隆名而長昧利之風至於詞窮雖競慙於  
屢黷可以理奪終冀幸於矜從臣無任

孫珪傳宣許罷節鉞謝表

臣某言二月二十二日江東轉運使孫珪到府伏奉  
聖慈宣諭以臣誠請甚確志不可奪故罷節鉞春時  
更宜慎愛者囊封屢黷特荷矜從使傳載馳重煩慰  
撫 中謝 伏念臣尸名寵莫報恩私既逃不職之誅  
更竊無功之祿閉門養疾曾未憇於朝禁擊壤歌時  
顧難忘於聖力伏蒙 皇帝陛下義惟求舊仁不弃  
遐故雖簪履之遺尚蒙簡記曾是筋骸之束敢愛

捐臣無任

封荆國公謝表

臣某言伏奉勅命授臣特進荆國公加食邑四百戶食實封一百戶勲如故者宮庭嘉享推惠術以及人田里空餐濫宸恩而累國中謝伏念臣苦窳賤質卷曲散材遭值休辰登備貴器有未償之厚責無可錄之微勞敢冀瘝身尚叨徽數此蓋 皇帝陛下備成熙事答四表之歡心董正治官建一代之明制因令疲苾與被光榮雖自誓於糜捐顧何疇於責儔臣無任

賀貴妃進位表

程盛之禮發於宮闈驪康之聲播於寰海中謝恭惟皇帝陛下放古之憲刑家以身乃資婦德之良俾貳坤儀之政蓋關雎之求淑女以無險詖私謁之心鷄鳴之得賢妃則有警戒相成之道於以求助不專為恩臣生逢明時竊觀盛事祝聖人之多子輒慕堯封思令德以式歌豈慙周雅臣無任

賀生皇子表六道

臣某言都進奏院狀報誕生 皇子者宮闈嗣慶寰海交欣凡遠戴天惟均擊壤中賀臣聞螽斯之言衆子是為王者之時華封之祝多男亦曰聖人之事恭惟 皇帝陛下紹祖休顯憲天昭明致文武之憂勤成堯舜之仁孝宅師無競夢簞之寢既安傳類有祥弓調之祠屢應詒謀方永錫羨用光臣託備蕃維叨

承睿獎不顯亦世家實與於余懷於萬斯年心敢忘於慶賴臣無任

二

臣某言伏覩進奏院狀報誕生 皇子者嘉慶係傳歡欣摠集中賀臣歷觀古昔誕受福祥厥配天所以久長乃有子至於千億伏惟 皇帝陛下鳧鷖之雅媚于神祇芣苢之風燕及黎庶弓鞬嗣燕禱之報旒旗仍羅夢之祥無疆惟休永保桑苞之固有室大競方觀椒實之蕃臣嘗汗近司尸榮祿特荷殊憐之至豈勝竊喜之情臣無任

三

臣某言伏覩都進奏院狀報誕生 皇子者皇運邛隆天枝彌茂照臨所暨鼓舞攸均中賀臣聞史紀文慶之延豈惟十子詩歌如徽之繼爰至百男肇敏于修乃繁厥祉恭惟 皇帝陛下道冒區宇德冠往初品庶蒙休既饗和平之樂神靈錫羨果膺蕃衍之祥臣嘗汗近司備叨殊獎以宿痾而自困欲旅進以無階臣無任

四

臣某言伏覩都進奏院狀報七月四日誕生 皇子者慶兆六宮欣交九服照臨所暨鼓舞惟均中賀竊以夢寢告祥實帝臨之釐事立牛祠錫羨乃神保於昌時伏惟 皇帝陛下追放堯祖嗣承犧象鴻名敷播已協九皇之高純嘏垂延方雷千子之衆維祺有俶

俾熾無疆臣夙冒恩深憐久尸榮祿適此驩嘉之會恭  
然趨造之難臣無任

五

臣某言伏覩都進奏院狀報誕生 皇子者元精乎  
作正種挺生慶係集於宮庭歡外交於寰宇中賀竊  
以熊羆見夢種稔獻祥厥撫會昌之期乃膺錫羨之  
福恭惟 皇帝陛下德高振古仁浹含生故神明之  
胃浸蕃而福履之將來艾臣久尸多祿特荷異恩顧  
表疾之滋多望清光而獨遠臣無任

六

臣某言伏覩都進奏院狀報誕生 皇子者燕禔饗  
德方儲錫羨之祥羅夢生賢克協會昌之運與在照  
臨之廣敷同慶頓之深切以思齊神罔時恫假樂民  
之攸暨天所佑厥惟太妣之多男國之榮懷亦曰  
成王之衆子恭惟 皇帝陛下令德光乎洛誦康功  
茂乎岐昌鴻休無疆景命有僕蓋某昔之薄言采采  
衆皆先成則螽斯之宜爾振振宗強孰禦臣久叨眷  
遇適阻進趨親值本文百世之盛時敢忘壽考萬年  
之善祝

賀魏國大長公主禮成表

并同德  
地進封

臣某言伏以明告治庭寵頒恩冊家邦之慶海宇以  
欣中賀恭惟 皇帝陛下荷天閔休若古丕式自  
率而尊紀備極靈承謂姊親而先姑特加徽數改錫  
增慶所生大號已孚庶言惟允臣久尸榮祿竊

睹盛儀傳雖異於九賓率舞尚同於百獸臣無任

賀冀國大長公主出降表

慶事備成恩紀隆洽有榮夷夏之期厥孚邦國之休  
蓋聞勿恤於有家以祉而歸吉禮儀卒獲風化  
所原不有在躬之清明其能由內而成熾恭惟

皇帝陛下道光覆照教始親成篤念祖之至情致先  
姑之美義庶言無間徽典有加臣叨昧殊憐衰瘵遠  
屏親值榮懷之日用忘呼舞之勞臣無任

賀魯國大長公主出降表

臣某言伏覲進奏院報魯國大長公主出降者占地  
聘夢祥寶發於先朝奠鴈告期禮甫成於外館中賀  
臣聞親成經五禮之始睦端貫六行之中善與物昌  
慶惟時賴恭惟 皇帝陛下齊家而國治睦族而民  
雍恩隆天屬之尊禮重王姬之降慎所選尚燕及文  
母之慈厚於送歸追成穆考之孝臣叨陪興運獲親  
盛儀雖句臚中絕於九賓然呼舞外均於百獸臣無  
任

賀康復表

臣某言天佑俊德永錫康寧三靈一心所共欣慶  
竊以執契踐運寶命在躬無疆惟休何恙不已伏惟  
皇帝陛下堯仁舜孝克假彰聞惠于神民循道不越  
雖勤勞庶慎衛養小愆而福復綏將旋日底豫平格  
獲祐效驗甚明而臣衰疾所嬰久違宸宇聞傳踴躍  
倍百群黎臣無任

賀南郊禮畢肆赦表二道

臣某言伏觀十一月二十五日南郊禮畢大赦天下者精意上昭神靈底豫茂恩旁暢夷夏接和中賀臣聞道以饗帝爲難禮以配天爲至有秩斯祐唯四表之歡心胡臭宣時匪九州之美味自古在昔若聖與仁厥遭昌辰乃覩熙事恭惟 皇帝陛下邁種三德敷奏九功率額奉璋之衆髦肇稱奠璧之新禮廟護致孝郊血告幽誠既格於穹昊福遂均於品庶振憂矜寡原宥眚茲第五玉以褒封善人是富發三錢而慶賜賤者不虛天其居歆人以呼舞臣夙叨寵獎親值休成雖無與於駿奔實不勝於竊抃臣無任

二

臣某言伏觀今月初五日南郊禮畢大赦天下者精明條達神睠顧而依懷膏澤川流人歡呼而蹈厲紳臣聞語孝之至莫大於配天議禮而輕不足以享帝能舉釐事實歸聖時恭惟 皇帝陛下鴻化已昭康年屢應奔走邁豆有董正之治官潔豐稔盛有底慎之財賦禮成穀旦恩浹區雖洛誦之休明尚難譬稱豈兒寬之淺陋能盡揄揚臣夙荷慈憐方嬰衰瘵望九賓之紳笏獨遠向傳狎百獸於山林猶知率舞臣無任

賀明堂禮畢肆赦表

臣某言伏觀今月二十二日明堂禮畢大赦天下者蒐講上儀神天底豫敷施大號夷夏交欣

中賀 恭聞



是以學帝爲難孝以嚴父爲至周右列考成委政而  
弗專漢記諸神武竊位而無實恭惟皇帝陛下道  
包東南運會正平巍巍成功堯之所謂大業業致孝  
舜之所由昌滿選休辰肇稱嘉譽百禮既至而正惟  
已獨萬壽攸酢而福與衆均臣久冒眷憐方嬰疾  
素承遵豆乃獨後於臣工踰舞笙鏞竊自同於鳥獸  
臣無任

臨川先生文集卷第五十八

臨川先生文集卷第五十九

表

賀冬表八道

賀正表五道

辭免南郊陪位表

辭免明堂陪位表

詔免兩郊陪位謝表

詔免明堂陪位謝表

加食邑謝表二道

賜生日禮物謝表五道

給蔡下假傳宣撫問謝

傳宣撫問并賜湯藥謝表七道

賜衣服銀絹等謝表

中使宣醫謝表

差張諤醫男雱謝表

賜曆日謝表二道

賀冬表八道

臣某言伏以庶彙潛萌上儀亞歲室告巨氣行之協臺  
占瑞至之嘉恭惟 皇帝陛下考敷復以大中顯朋  
來之衆俊剛健之德與陽皆亨壽昌之期如日方永  
臣叨榮近列櫻疾殊方鳥趨獨後於在庭爵躍實深  
於存闕臣無任

臣某言伏以寶曆無疆嘉時有倣物潛萌而赤氣順

動於黃宮中賀恭惟 皇帝陛下道協乾行德孚  
陽感體一元而獨復毓苗內寶以皆昌永御不平備曆  
純嘏臣靈嬰衰疾久隔清光迹雖屏於立園志不忘  
於宸宇臣無任

三

臣某言伏以萬寶潛萌應黃宮之協氣百工胥慶亞  
正歲之上儀中賀恭惟 皇帝陛下體御至神詔揚  
獨智武烈丕承乎前載堯明光被乎多方茂對斯時  
備膺諸福臣比緣衰疾獨遠清光雖存闕之不忘尚  
造庭之未獲臣無任

四

臣某言伏以氣復黃宮茂對物滋之始晷移北陸寅  
賓日至之長中賀恭惟 皇帝陛下道與時行化猶  
天運嗣無疆而履位建有極以宜民甫臨陽長之期  
大襲福綏之慶臣恩容居里病阻造庭雖薦壽以無  
階顧馳心而曷已臣無任

五

臣某言伏以陰借物極陽與朋來推歷玩占乃見潛  
萌之信體元御辨以知敦復之中中賀恭惟 皇帝  
陛下舜孝禹功文謨武烈茂對時之福嘏靈承旅以  
壽康臣久冒朝榮外叨方任弗與稱觴之末豈勝存  
闕之深臣無任

六

臣某言伏以候始三微氣萌黃中賀謹觀臺之上端

恭惟 皇帝陛下祇通燕謀靈承  
休運先一陽而獨復斂諸福以朋來臣屬此養痾未  
然在遠傾心舜日欣寶景之踐長仰首堯天祝壽祺  
而等以臣無任

七

臣某言伏以運與陽升晷借日至儀亞三朝之會氣  
先五刻之占中賀恭惟 皇帝陛下茂對斯時備膺  
諸福御至和之玉燭撫大順於璿璣臣竊望清光獨  
嬰衰疾徒有懷於率舞乃弗預於稱觴臣無任

八

臣某言伏以一陽氣復萬寶明生天效五雲之祥律  
應三統之首茲為大慶允屬熙朝中賀 恭惟 皇帝  
陛下道泰犧軒德深堯禹文物聲明之昭爛神祇祖  
考之安寧適丁至治之期矧乃履長之序萬靈積祉  
四海交歡而臣身處江湖地遙宸極瞻天日之表阻  
獻於壽觴望雲龍之庭徒傾於驩頌臣無任

賀正表五道

臣某言伏以漢儀高會方登四母之圖周曆俯頌乃  
憲百官之象中賀恭惟 皇帝陛下含德淵懿撫辰  
休嘉乘姑射之雲龍所更者化存脊敷於蓬艾各遂  
其生運與日升道侔乾始臣尚依粉社獨隔楓宸緬  
瞻朝著之班竊慕封人之祝臣無任

二

獻歲初吉端月始和萬寶取新之元九儀告慶之會

中賀恭惟 皇帝陛下體神蹈智抱一建中允迪暮  
勳永膺享祐德日新而有俶福時萬以無疆臣特荷  
寵光久嬰衰疾雲天在望惟緬想於句傳靡靡與遊  
豈暫忘於率舞臣無任

三

寶曆無疆嘉生有俶厥初獻歲之吉乃始端月之和  
中賀恭惟 皇帝陛下常德日新景福時萬體泰元  
而難老閱衆甫以皆昌臣久負異恩尚嬰衰疾瞻雲  
紛郁想朝路以載欣禍日舒長與疇人而胥樂臣無  
任

四

寶曆無疆嘉生有俶門憲始和之象庭充元會之儀  
中賀伏惟 皇帝陛下膺保永圖綏將純嘏撫五辰  
而致順毓萬物以皆昌臣久負異恩尚嬰衰疾瞻雲  
煥爛欣逢舜旦之華擊壤消搖樂得夏時之正臣無  
任

五

馭正夏時更端周曆體一元而敷惠適與春浮斂諸  
福以代新方侔川至中賀恭惟 皇帝陛下誕昭明  
德祇燕孫謀齊七政以當天順五辰而凝績用求湯  
氣以阜嘉生閱千古之上儀肆三朝之盛會仰同星  
拱竦百辟以在庭追效嵩呼極萬年而薦壽臣桑榆  
晚景麋鹿並遊惟莫與於臚傳退但知於率舞臣無  
任

辭免南郊陪位表

伏奉詔書令發來赴闕南郊陪位者萬國駭奔焯上  
議之殊觀一夫幽屏叨明命之特招中謝伏念臣竊  
祿已多冒恩最渥自致惓惓之義實有素情再瞻穆  
穆之容豈非榮願而芥然暮景櫻以沉痾伏賦畝以  
負茲於今未已侍壇垓而踐且用此為妨臣無任

辭免明堂陪位表

臣某言伏奉詔書令發來赴闕明堂陪位者合宮丕  
享中謝字駿奔冒被優詔之加使陪顯相之末中謝伏  
念臣投身荒遠上負眷憐企踵禁嚴久勞監寐況宗  
祈之盛禮辱號召之明恩當即辦嚴豈容辭疾而沉  
冥浸劇詎勉實難心若子牟雖每存於魏闕身如楊  
僕乃自外於漢關臣無任

詔免南郊陪位謝表

臣某言近具表為疾病乞免赴闕南郊陪位伏蒙  
聖慈特賜詔書許免者螻蟻惓惓上千旋宸雲天顯  
顯下賁丘園中謝臣億矣微生頽然暮齒冒恩鼎食  
非堅卧以為高承命旌招宜駿奔而反後顧緣衰疾  
致隔清光伏蒙 皇帝陛下特赦尤違曲垂念聽部  
昏難望尚延舜日之華荒翳易遺更獲堯雲之潤臣  
無任

詔免明堂陪位謝表

臣某言近具表為疾病乞免赴闕明堂陪位伏蒙  
聖慈特賜詔書許免中謝字駿奔第獲內懷通悞之誅

寵答曰俞上荷眷憐之云中謝伏念臣久違秘近遠  
迫衰殘長負異恩固難逃於幽黜敢圖釐事乃復與  
於詳延輒冒布陳重煩矜允鴻私所被藏一札以知  
榮旅力已愆殞百身而何及臣無任

加食邑謝表二道

臣某言伏奉誥命加食邑四百戶實封一百戶者顯  
相郊宮固宜寵獎曠居田里乃濫褒嘉中謝伏念臣  
尚負宿痾久尸榮祿無可論之薄效有未報之隆恩  
方國明裡庶工祗載奉璋執豆旅幣獻琛具輸奔走  
之勞獨抱滯留之歎豈圖踈迹亦冒龍光此蓋  
皇帝陛下荷休駿尾斂福敷錫故雖幽屏弗以遐遺  
身每被於慈憐心敢勞於勤策臣無任

二

解澤旁流明綸俯被永惟叨昧深以兢榮中謝竊以  
時郊丘之承所以尊上帝疇官邑之賜所以富善人  
盛福靡專至恩惟稱臣久塵要近上累昭明方玉輅  
之親祠以銅符而外守逮均休慶例獲慶嘉此蓋伏  
遇 皇帝陛下以平施於萬方無遐遺之一物矧蒙  
圖任之舊特荷獎知之深祗照訓辭敢忘報禮臣無  
任

賜生日禮物謝表云道

爾言加獎臺詔示優屈使者之光華發里門之榮耀  
中謝竊念臣才非秀穎勢又羸單方少也臣父教臣  
以爲己之方及長也臣母勉臣以許國之節叨諭至

此稱效缺然慈訓久孤每 劬勞之日  
慙明盛之朝此蓋伏遇 皇帝陛下智臨方來  
臣庶嘉以物多而備禮使知意厚而盡心敢不自  
斷斷之能庶以少申惓惓之義臣無任

二

慰藉溢言匪頒異數荷恩勤之及此思報稱以茫然  
中謝伏念臣謬簡神心叨陪大政以久孤之撲學賞  
難遇之盛時雖罄愚忠何裨聖治門弧可想方永念  
於劬勞臺餽有加更上煩於寵獎此蓋伏遇 皇帝  
陛下施仁品物致禮臣鄰將備責於安危故俯同於  
憂樂所願輸勞而後食敢知得賜之爲榮矧生已之  
至恩已云不報獨事君之大義庶或無慙臣無任

三

臣某言伏蒙 聖慈以臣生日特降詔書賜臣羊酒  
米麵者書名閭中適在斯辰拜使家庭猥叨異數謝  
伏念臣才非經國幸實遭時徒塵宰席之延初乏辰  
猶之告敢圖恩將俯逮燕私此蓋伏遇 皇帝陛下  
寵厚近班率循前憲因令疵賤獲被龍光敢忘夙夜  
之勤以禱乾坤之施臣無任

四

臣某言伏蒙 聖慈特差臣男太子中允零押賜臣  
生日禮物衣一對衣著一百匹金花銀器一百兩馬  
二匹金鍍銀鞍轡一副者劬勞之感方愴於私懷  
之加更慙於異數中謝伏念臣早塵祿仕多歷



年初無橫草之勞但有敗林之愧進膺重任久曠隆恩敢圖誕毓之辰更冒匪頒之澤此蓋伏遇 皇帝陛下惇修故事優眷近司屈聖制必褒嘉示殊私於錫予永惟叨昧彌積震驚撫已冥炬亮難酬於盛德惟時忠慎竊自誓於愚誠臣無任

五

臣某言伏蒙 聖慈特差入內內侍省內東頭供奉官馮宗道傳 宣撫問及就府賜臣生日禮物金花銀器一百兩衣著一百匹衣一對金鍍銀鞍轡一則并纓復馬二匹湯藥一銀合御封全者微勞不效僅逃三與之科厚禮有加尚躡丸儀之等中謝臣外叨寄屬仰誤眷憐已隳考翼之基重負母慈之教迫劬勞於晚節方不自勝惟蕃庶之舊恩終無以稱伏蒙 皇帝陛下更馳膚使曲喻至懷駟駿靈珍竒組麗崑下流之敢及皆前比之所無金厄淑旂多錫誠榮於既往鈔刀駕馬強扶難冀於將來雖天地帝責其謝生顧臣子敢忘於致死臣無任

給蔡卞假傳宣撫問謝表

伏蒙 聖恩以臣疾病特給蔡卞假將臣女子省侍今下傳宣撫問諭以調養者飭醫遣使已叨訓勉於得身輟侍予寧重累顧哀於慈子教言狎至感涕交流臣趣尚缺如遭逢榮甚竊食浮而廢任特負知憐昧祿殖以挺定終貽罪疾伏遇 皇帝陛下地容天騰雲陰露濡响吹晚出於更生指卮申加於瀕死譬

造化難紀叙於曲成雖

糜捐敢稱論而上報臣

無任

甘師顏傳宣撫賜藥謝表

臣某言膚使寵辭載華原臨寶盃珍劑加貴丘園臣

甲謝伏念臣少出衡茅晚立帷幄德輻寄重才淺知

深但念里居長負丘山之責取期宸眷尚留督履之

矜此蓋伏遇 皇帝陛下二情無疆海函不棄戴

忘之盛德豈特銘肌撫易五盟之餘生唯當結草臣無

任

李舜舉賜詔書藥物謝表

臣某言輟官聞親近之臣臨湖海寬闊之野授之藥

物撫以訓辭尸厚祿而無功謂當誅絕捐大恩而不

報彌所兢慙臣中謝伏念臣 羈單自甘淪六晚由

朴學上誤聖知智曾昧於心身忠每懷於許國讒誣

甚巧切憂解免之難危拙而又安特荷眷憐之至況遠

迹以孤之地實過言易問之時而離明昭晰於隱微

辭澤頻繁於踈迹此蓋伏遇 皇帝陛下上仁含

垢以大智容愚弗使南箕但移斲揚之狀更令此戶

坐蒙臨照之光芥然垂盡之病軀沈石橫流之感涕

惟困窮無理猶致命於一餐顧冒昧不貲敢忘懷於

九死臣無任

中使撫問謝表

臣某言孤臣疲曳自阻進趨上主慈憐猶加撫諭中

伏念臣晚階休運特荷異恩積草無功每恨棄軀之

其新有疾仍慙制祿之優豈謂陛下所摠萬機  
不忘一物迺因輶軒之出俯逮躋履之遺仰荷眷私  
唯知感涕臣無任

二

臣某言去國彌年屢煩中慰恤乘輶便道復賜撫存  
伏念臣冒恩殊深奉事多廢久素餐而無責方宿疚  
之有加弗以遐遺實仰中慰於眷遇莫知上報徒永誓  
於糜捐臣無任

賜湯藥謝表

臣某言隆恩博施弗以遺弱力薄才豈能仰稱中  
臣久孤重任上誤聖知中可荷眷憐備昭誠悃付以便  
宴之郡休其疲曳之軀中以涉之路未窮問勞之恩先  
至願書甚厚藥物兼珍中此蓋伏遇 皇帝陛下不冒  
海隅寵綏臣庶眷履之中售不忍於棄忘雲天之高每  
存於底情永惟報効徒中言糜捐臣無任

中使傳宣撫

立謝表

臣某言便蕃曲澤雖遠不忘晚晚餘年懼終莫報伏  
念臣辭恩機要藏疾里閭既疲瘵之未夷顧憂傷之  
重至仰煩眷獎特示閔憐中飭使輶備宣恩厚寵頒  
藥物深念衰殘此蓋伏遇 皇帝陛下日月照臨乾  
坤覆燾俯矜舊物曲軫中春慈始終顧遇之私人知無  
替存沒榮懷之感情中難勝臣無任

李友詢傳宣

撫問及賜湯藥謝表

臣某言伏奉 二聖慈特差李友詢扶護亡男旁棺柩到府并撫問者孤臣特荷慈憐未獲捐軀報德賤息比叨寵獎復以遺骨累恩臣中謝伏念臣覺積自躬凶流及嗣因仍積歲藏厝不時敢謂私憂上貽聖慮伏蒙 皇帝陛下飭遣親使護致旅棺使亡子之塊即安於窀穸天性之愛得盡於莫年申之訓辭撫以藥物眷被終始施兼存亡銘骨不足以叙欲報之心瀝肝不足以繼感泣之血獨恨旣愆之力莫知自効之方臣無任

賜衣服銀絹等謝表

臣某言今月十一日准都進奏院遞到詔書并別錄賜臣衣服金帶魚袋銀器絹銀鞍轡馬者慰藉溢言上辜寵眷匪頒異數特荷慈憐臣晚以薄材嘗陪輿運華原之簪未慙每辱矜收橋山之劍初遺獨悲淪沮伏蒙 皇帝陛下勤遠考翼厚勉臣中遽被寵光申加蕃庶雖負薪之末力難效驅馳顧結草之殘魂猶知報稱臣無任

中使宣醫謝表

臣某言乘衰櫻厲敢意浼聞軼舊垂矜曲加寵數即馳近御兼飭太醫錫以寶奩實之珍劑創殘再肉顛旬更蘇杳被慈憐不勝負荷臣叨恩缺報昧祿取災果崇降以疾殃至上煩於愍惻此蓋伏遇 皇帝陛下履簪念厚軒幃眷深天弗顛而亦臨雲甫瞻而旣

蕭哀逾察父感劇孤臣論可報之消埃難知稱効願

未填之溝壑徒誓虛糜捐撫涕洟瀾悃心躑躅臣無任

差張謬醫男雱謝表

臣某言伏蒙 聖慈特差中使傳宣撫問并賜臣男雱湯藥押冲靜處士張謬至本府醫治者最爾餘生備叨眷撫芥然賤息更荷哀憐 中謝臣初乏將明之材適遭開泰之運父子並蒙寵獎臣鄰莫與等夷去闕以來歷時未久問勞狎至憂軫俯加以察父之鴻私施具臣之晚節但慙疲曳莫副馳驅冀憑天地之恩得全駒犢之命永依鞭策共誓糜捐臣無任

賜曆日謝表

臣伏以太史序年將謹人正之授遠臣尸祿乃叨天指之加臣 中謝竊以欽若昊穹靈承黎庶正時所以作事治曆所以明時恭惟 皇帝陛下道邁古初德綏方夏治教之象上協於天心正朔所加外通乎海表敢圖幽屏亦誤寵頒徒尊閣以知榮曷糜捐之可報臣無任

二

臣伏以清臺課曆肇明一歲之宜列郡仰成欽布四時之事闕文切抃拜賜為榮恭惟 皇帝陛下躬包曆數政順璣衡齊日月之照臨體乾坤之闡闢考觀新度遠存堯象之明推步大端猶得夏時之正盡俯仰察觀之理槩裁成輔相之宜歲事備存詔文借下先天誕告間無杪忽之差率土逢占驗若節符之合臣敢不恭承 旨順考時行替聖神化育之功極元

人和同之効奉而行政明不戾於陰陽推以治人庶  
克躋於富壽臣無任

臨川先生文集卷第五十九

臨川先生文集卷第六十

表

兩府待罪表

請 皇帝御正殿復常膳表二道

乞罷政事表一十三道

手詔令視事表

添差男旁勾當江寧府糧料院謝表

詔以所居園屋為僧寺及賜寺額謝表

依所乞私田充蔣山太平興國寺常住謝表

辭免司空表二道

乞致仕表

兩府待罪表

臨川集六十

卷

臣某等伏觀內降德音以陝西河東兩路外勤師旅  
內耗黎元引咎推恩者罪已以興方懋日新之德經  
邦弗效敢辭天討之刑中謝臣等昔以凡材過叨重  
任內不能定國家之論以協士民外不能成疆場之  
謀以緩夷狄用開邊隙使使人勞至深惻於聖懷實  
大愆於榮祿瘵官若此即罪為宜唯並寘於嚴科乃  
大符於公論臣等無任

請 皇帝御正殿復常膳表二道

臣等言奉 聖旨以祈雨未應避正殿減常膳者陽

春生物偶霑澤之稍愆睿意恤民遽側身而自抑德  
已脩於銷變數或係於非常當復曩儀用安辭下謝

恭惟 皇帝陛下天仁博施神智曲成躬忘盱食之

勞坐講日新之政四時協序萬物致和適當化養之  
辰宜得濟濡之澤少違常候深軫清衷退師氏之正  
朝約大官之盛饌仰窺謙德志在閔民然而遐虜來  
朝當即法宮之位誕辰入慶合陳燕俎之珍事有所  
先禮難偏廢伏願仰回淵聽德徇輿情風御九筵之  
居並盪十閣之具上以全於國體下以副於臣誠臣  
無任

二

臣某等言近上表請 御正殿復常膳蒙降批答不  
允者時澤偶愆屢勤齋禱 聖衷愈勵曲盡焦勞將  
損已以召休因退次而果食列陳剡奏尚闕嗣音在  
臣列之靡遑伏帝闈而再扣中謝恭惟 皇帝陛下  
體居離正德稟乾剛期揉俗以致康嘗納隍而興念  
七載于此繼獲豐穰一春而來或罹愆亢皇慈深軫  
群祀徧脩恐狴犴則親憲其囚懼黼黻美則躬變  
其服仍損內饗之舉魚虛正宁之朝然而禮貴從宜  
事難泥古而况甫臨誕節交舉慶儀有列辟拜萬年  
之觴有殊俗脩兩朝之好苟虧彝制難副群情少屈  
淵衷特從誠懇天臨廣廈日御常珍親事法宮廟堂  
於政治惟辟王食昭示於等威仰以慰兩宮之慈俯  
以安群下之望臣等無任

乞罷政事表三道

臣某言竊以使陪國論惟亮天工必用強明乃能協  
濟豈容昏瞶可以叨居進旨聰明罄陳危懼中謝伏



念臣速侍 先帝列宮外朝晚以喪歸因為病廢伏  
過 皇帝陛下召還辭禁擢豫經筵收於衆惡之中  
詆以萬機之事名讒誣而並至輒賜辨明推孤拙以  
直前每蒙開納 陛下所以遇臣者可謂厚矣臣之  
所以報國者終於缺然豈理勢之獨難抑才能之素  
薄方懼過尤之積乃罹疾疾之加比欲外乞州藩冀  
以就醫醫藥重念采薪之弗給尚何守土之敢謀輒  
緣不能者止之言庶免貪以敗官之悔伏望 皇帝  
陛下曲垂仁惻俯記愚忠賜以分司一官許於江寧  
居止則天地之德實有施於餘年犬馬之勤冀或輸  
於異日臣無任

二

臣某言近具表乞罷政事分司伏奉 手詔封還不  
允所乞者私懷懇至已具布聞 聖訓丁寧未蒙開  
納最冒崇高之聽再輸悃悃之情中謝臣聞任賢之  
方要其有用陳力之義止於不能苟弗集於事功且  
遭罹於疾疾豈容叨據以累明揚伏念臣猥以孤生  
親逢盛世昧於量已志欲補於休明失在信言事浸  
成於迂闊每煩衆論上恩聖聰久知素願之難請繼  
以積病而自困辭而去位庶逃竊食之誅勉以就工  
重荷包荒之德雖貪順命終懼妨功伏望 皇帝陛  
下闔度并容大明俯燭特垂矜允俾遂退藏如此則  
孤進之身獲全生於末路具瞻之地得改命於時材  
臣無任

臣某言近再具表乞罷政事伏奉批荅不允者封奏上昭未能感徹訓辭下逮更誤褒嘉中謝臣聞恕以及物者君之仁量而受事者臣之義蓋世之道有升而有降故士之行或肆而或拘遭聖治之尚容冀私誠之獲遂伏念臣自蒙任使已歷歲時雖或售於小忠曾莫裨於大政迨茲櫻疾乃始告勞姑以免邦憲之詰誅何足汗上恩之獎勵使人狎至詔指屢頒祇荷顧憐重懷感悖非不願粗施其樸學庶幾以仰副於鴻私顧惟剛德之浸身方奮睿謀而獨斷辨忠賢之可任既示弗疑察姦罔之為朋將知所畏人宜盡力朝豈乏材寧容昏憊之餘尚冒寵靈之厚伏望皇帝陛下雖明俯燭解澤旁施矜綿力之既愆監近司之或曠俯從控懇實允詢謀雖已事之無稱難言報國冀餘生之未泯尚獲捐軀臣無任

乞出表二道

臣某言竊以丞相之職天子是毗方當圖政之憂勤難以養病而昧冒輒輸情素仰丐恩憐中謝臣叨被鴻私誤尸榮祿堯仁天覆幸荒穢之兼包湯聖日躋顧卑凡而自絕尚惟許國姑誓忘軀豈意眩昏甫新年而邊劇更知驚蹇難重任之久堪伏惟 皇帝陛下明燭隱微惠綏羈拙閱其積疾收還上宰之印章賜以餘年歸展先臣之丘壟生當擊壤以詠矜容之德死當結草以酬舍育之恩臣無任

臣某言本月十一日輒輸情表仰乞恩憐實以抱疚之深難於竊位之久過蒙敷與未賜矜從事有迫於懇誠理必析於哀惻中謝臣信書自守與俗多違審容勝之易安因忘擇地知戴盆之難望遂廢占天豈圖憂患之餘更值清明之始寒之之日長而暴之之日短植之之人寡而拔之之人多尚誤聖知驟妨賢路摩頂放踵雖願效於微勞以蚊負山顧難勝於重任矧復瘖昏而曠事若猶冒昧以尸官是乃明憲之所不容豈特煩言之為可畏伏惟 皇帝陛下天地覆載日月照臨賜以曲宥容其少愒區區旅力或未憇於餘年斷斷小能冀尚施於異日臣無任

乞退表四

臣忠於為國故進而能致其身君恕以及人故病則閑勞以事此今昔共由之通義實上下相與之至情敢觸冒昧之誅冀蒙哀矜之聽中謝臣受材鄙劣遭運休明陳愚或會於聖心承乏遂尸於宰事謀謨淺拙謾不見其有成操行陵夷又或幾於無恥久宜辭位尚荷貪恩豈圖養拙以乘方重以瘖昏而廢務粗嘗陳列未獲矜從龜勉以來浸淫遂劇大懼典司之曠上煩程督之嚴伏惟 陛下詢事考言循名責實或輟夜分之寐常臨日昃之朝萬方黎獻之多略皆抵辟三事大夫之守豈可瘞官仰冀高明俯昭憫愍念其服勞之久愍其嬰瘵瘵之深及未干缺缺之時令

遂解機衡之任豈特小安於私義茲惟畢協於師虞  
臣無任

二

臣昨具表乞解機政伏奉 手詔未賜俞允者明主  
訓辭之寵宜即奉承匹夫志守之愚敢覬矜允中謝  
竊以品制百為揔裁萬務任怨蓋難於持久服勞安  
可以獨賢所以中外迭居是為祖宗故事況於疲曳  
加以瞽昏若由昧冒而無慙其必顛隳而不救臣過  
叨睿獎備進近司當循名責實之時故任怨特多於  
前輩兼蠲令改制之事故服勞尤在於一身雖蒙全  
度之恩僅免譴訶之域其於多故實以難支矧疾疚  
之交攻且事為之浸廢伏望 陛下昭其悃悞假以  
優游使得休養於衰疲以示保全於孤拙臣無任

三

臣某言近具表乞解機務伏奉 手詔未賜俞允者  
聖恩所及有隆天重地之施私義未安有深淵薄冰  
之懼中謝竊惟成湯高宗之世有若伊尹傳說之臣  
其道則格于帝而無疑其政則加乎民而有變后惟  
時人相亦有終迨乎中世之陵夷非復古人之髣髴  
忠或不足以取信而事事至於自明義或不足以勝  
姦而人人與之為敵以此乘權而久處孰能持祿以  
少安此臣之慮危於居寵之時而昧死有均勞之乞  
況於抱病浸以瘵官伏惟 陛下道與日躋德侔乾  
覆哀一夫之失所樂萬物之皆 昌矧夫眷遇之優既

已勤劬之久宜蒙養貸使復由全賜其疲賤之身假以安閑之地則敝車無用猶可具於勞薪棄席未忘或再施於華幄臣無任

四

臣某言伏奉 聖旨令臣入見赴中書供職者蠲蟻微誠屢關省覽天地大德未賜矜從中謝臣聞周之士也貴秦之士也賤周之士也肆秦之士也拘其縱之為貴其拘之為賤故尚勢利而忘善惡貴故尊行義而矜廉恥士知尊行義而矜廉恥宗廟社稷之安而天下之治也伏惟 陛下言必稽堯舜動必憲文武故視遇天下之士欲其貴不欲其賤欲其肆不欲其拘臣以羈孤旁無依助一言寤意特見甄收適遭欲治之盛時實預扶衰之大義事或乖於衆口而陛下力賜辯明言有逆於聖心而 陛下常垂聽納此臣所以履艱虞而不忘服勤苦而不辭雖百度捨攘未就平成之叙然四年龜勉非無夙夜之勞今特以心氣之衰疲目力之昏耗哀祈外補冀幸小休而乾剛確然莫可回奪則是親值周家之志厚獨為秦士之賤拘事與願違能無竊歎當情懇言免上煩實望 聖慈俯昭愚款外賜優閑之地少安疾疢之身須其有瘳乃言外効臣生當捐軀以一死當結草以酬恩

乞官類表四道

臣某言疏榮特異敢忘圖報之忠陳力竭能當布可

辭之義中謝 伏念臣晚陪輿運久汗近司釁愚弗遠於清光衰疾更成於瘵曠苟免大訶之責乃叨異數之加授以戎旃班之宰席松楸舊國實使鎮臨蒲柳殘年足為榮耀顧在宣化承流之地方當循名責實之時疲曳難支顛隳可畏仰祈睿眷俯徇愚衷并解將相之官外除官觀之任託依田里瞻守丘墳儻憑休養之私終獲夷瘳之福敢忘策勵復誓糜捐臣無任

二

臣某言近具表乞以本官外除一官觀差遣伏蒙聖慈特降中使賜臣詔書不允者天地至恩實知難報螻蟻微息尚竊有懷輒冒隆威更輸危懼伏念臣遭逢異甚稱効蔑如苟旅力之可陳豈餘生之足惜願以憂傷而至弊重為疲疾之所撓偷假便州必負曠瘳之責過尸厚祿更懷叨昧之慙伏望 陛下本末燭知始終護念俯徇籲天之懇俾無累國之尤尚冀寧瘳誓終糜殞臣無任

三

臣某言輅傳俯臨璽書狎至仰荷眷存之厚第懷感悻之深任有不勝勉非所及輒輸危懇再冒天威伏念臣久誤至恩難圖報稱過尸榮祿易取災危力慮矣而弗支氣喘焉而將蹙躬聞掃軌斯為待蓋之時莫府建旌豈曰養病之地所以懼曠瘳之責敢辭逋慢之誅伏望 陛下照以末光遂其微請使壇陸之鳥

無眩視之悲濼梁之魚必有從容之樂庶蒙瘳復更誓  
庶捐臣無任

四

臣某言筋骸衰苾僅有餘生肝膈精微簡在聖聽豈  
圖寵獎未賜矜從輒冒威尊更輸情素中謝伏念臣  
久妨機要初乏消埃苟免庶尤實荷恩私之至敢緣  
多疾更尸名器之崇比辱使輶條宣詔旨深惟策勵  
仰稱龍光而況病瘵有加療治無損辭榮家食乃爲  
理分之宜干澤自營尚恃眷憐之舊伏惟 皇帝陛  
下衡聽萬事密使衆材念其龜勉之終難假以便安  
而少愒庶宇體力圖報毫分臣無任

手詔令視事謝表

臣某言伏蒙宣示言者所奏輒具劄子乞博延公議  
改用賢人伏奉詔獎勵令視事如故者謗議升聞已  
賴舜聰之豁達懇誠上訴更煩周諮之丁寧竊以作  
威者主之權待察者臣之禮蓋雖蒙非常之厚遇亦  
將避可畏之煩言臣志尚非高才能無異舊惟所學  
之迂闊難以趨時因欲自屏於寬閑庶幾求志惟聖  
人之時不可失而君子之義必有行故當 陛下即  
政之初輒慕昔賢際可之仕越從鄉郡歸直禁林或  
因勸講而賜留或以論思而請對愚忠偶合即知素  
願之獲申睿聖日躋更懼淺聞之難副重叨殊獎忝  
秉洪鈞所宜引分以固辭乃敢冒恩而輕就實恃明  
主知臣之有素故以孤身許國而無疑人習玩於久

安吏循緣於積弊寡言不忌。設行無慙論善俗之方始欲徐徐而變革思愛日之。我又將汲汲於施爲以物役已則神志有交戰之勞以道徇衆則事功無必成之望恐上辜於眷屬誠竊幸於退藏猶貪仰附於末光亦冀粗成於薄効比聞獨斷謂合僉言但輸承命之忠遂觸招權之毀因請避衆賢之路庶以厭異議之人伏蒙 皇帝陛下敷大兼容清明旁燭賜之神翰諭以至懷君臣之時嘗千載而難值天地之造豈一身之可酬敢不自忘形迹之嫌庶協神明之運臣無任

添差男旁甸當江寧府糧料院謝表

臣某言近輒冒昧陳乞男旁甸當江寧府糧料院一次伏蒙特恩添差者去寄卧家猶尸厚祿祈榮及嗣更荷殊私中謝伏念臣汗馬之勞初無可紀紙牘之愛乃敢有言顏雖腆以知慙心固甘於獲譴豈謂陛下矜軒輊之舊錄管履之微示特出於上恩俾遠叨於世祿繫曲成之造化弗以遐遺徒共誓言於塵埃指安能仰稱臣無任

詔以所居園屋爲僧寺及賜寺額謝表

臣某言基迹叢祠冀鴻延於萬壽錫名扁榜竊榮遇於一時臣生之寸長世叨殊獎賤息奄先於犬馬頽齡俯迫於桑榆獨念親逢莫有消埃之補報永惟宏願豈忘香火之因緣伏蒙 皇帝陛下俯徇祈誠特加美稱所懼封人之祝終以堯辭乃塵長者之園遽



許仰憑護念誓畢熏脩臣

依所乞私田充蔣山太平興國寺常住  
表

臣某言緣恩昧冒方虞恩上之誅加意界矜遂竊終天之幸伏念臣少嘗墮阨晚悞褒崇榮祿雖多不遠養親之日餘年向盡更爲哭子之人追營香火之緣仰賴金縉之賜尚復祈恩而不已乃將徼福於無窮伏蒙 陛下眷遇一於初終愛恤兼夫存沒特撓常法俯成私求雖老矣無能莫稱漏泉之施若死而未泯豈忘結草之酬臣無任

辭免司空表二道

臣某言今月十一日三班差使崔汝諧至奉宣詔旨及齋賜制誥一道除授臣司空依前觀文殿大學士集禧觀使加食邑四百戶食實封一百戶餘如故者使輟馳授祇忝明恩家巷卧居敢叨虛獎中謝竊以事官之所命異於時制之今除名稱三公班序一品逢辰特幸稱位實難臣晚玷誤恩嘗尸劇任曾無尺寸粗報眷憐獨有丘山莫知負載荒遠攬病之久休明嗣服之初絲力薄材適甘於屏弃高秩厚禮更冒於褒崇惟器與名恐身累國仰祈遷令追寢贊書庶以衰殘獲所安之終吉亦令蹇淺免非據於具瞻臣無任

臣某言近具表乞追寢恩命伏蒙

聖慈特降詔書

不允者隆施所逮懇辭弗俞輒冒天威更輸微款  
臣事勞無紀操行不脩居竊萬鍾初未知於辭富坐  
彌九載方有俟於黜幽豈圖邦命之新尚眷求人之  
舊寵靈覃被危厲增加位高疾顛力少任重實前修  
之切戒敢小醜之冒膺仰冀睿明顧憐衰朽改茲非  
服免貽官謗之憂宥以罔功使獲里居之佚臣無任

乞致仕表

此表不帶奏發  
堯後檢見遺葉

臣某言瘵以曠官嘗恃食功之舊老而辭祿敢忘知  
止之廉輒冒大威具輸微款伏念臣小聞寡識薄力  
淺材信獨善以一心昧自營之百慮久辜視遇特幸  
遭逢昔也壯時尚無可紀今而耄矣豈有能為敢望  
睿明許之致仕實於危朽賜以全生庶以表殘豫佚  
太平之樂亦令遲暮免離大壑之嗟

臨川先生文集卷第六十



